

ए॒व य॒ज्ञो नि॒ष्क्रीतो भवत्येष॒ ह वै य॒ज्ञमा॒नस्यामु॒ष्मिं॒लोक॒ऽआत्मा॒ भवति॒ य॒द्य॒ज्ञ  
स॒ ह सर्व॑तनूरे॒व य॒ज्ञमा॒नोऽमु॒ष्मिं॒लोक॑े स॒म्भवति॒ य॒ एवं॒ वि॒द्वान्नि॒ष्क्रीत्या॒ य॒ज्ञते  
॥ ६ ॥ ब्राह्मणम् ॥ ८ ॥ प्रथमोऽध्यायः [६७.] ॥ ॥

त्रि॒र्ह वै पु॒रुषो॒ जायते॑ । ए॒तन्त्रे॒व मा॒तुश्चा॒धि पि॒तुश्चा॒ग्रे जायते॑ऽथ॒ यं य॒ज्ञ उ॒  
प॒न॒मति॒ स य॒द्य॒ज्ञते॒ तद्वि॒ती॒यं जायते॑ऽथ॒ यत्र॒ म्रियते॒ यत्रै॒नम॒ग्राव॒भ्याद॒धति॒ स य॒  
त्ततः॒ स॒म्भवति॒ तत्तृ॒ती॒यं जायते॑ त॒स्मात्त्रिः॒ पु॒रुषो॒ जायत॑ऽइत्याहुः ॥ १ ॥ ता वा  
ऽए॒ताः । ए॒काद॒श सा॒मि॒धेनी॒न्वाह॒ द॒श वा॒ऽइमे॒ पु॒रुषे॒ प्राणा॒ आ॒त्मैकाद॒शो य॒  
स्मिन्ने॒ते प्रा॒णाः प्र॒ति॒ष्ठिता॒ ए॒तावा॒न्वै पु॒रुष॑स्त॒देनं॒ कृ॒त्स्नं ज॒नय॑त्यथ॒ यद्वर्ध॑ सा॒  
मि॒धेनी॒भ्यः सा॒ प्र॒ति॒ष्ठा त॒देनं॒ ज॒नयि॒त्वा प्र॒ति॒ष्ठाप॑यति ॥ २ ॥ न॒व प्र॑स॒वस्य॒ व्या॒  
ह॒तयः॑ । न॒वेमे॒ पु॒रुषे॒ प्राणा॑स्त॒देनं॒ द्वि॒ती॒यं ज॒नय॑त्याश्चा॒वणं॒ प्र॒त्याश्चा॒वणं॑ सा॒  
प्र॒ति॒ष्ठाथ॒ यदे॒वाद् सृ॒ष्टौ ज॒न्मो॒द्यते॒ तदे॒नं तृ॒ती॒यं ज॒नय॑ति प॒त्नीसं॒याजा॒ ए॒व तत्र॒  
प्र॒ति॒ष्ठा ॥ ३ ॥ त्रि॒र्ह वै पु॒रुषो॒ जायते॑ । ए॒वमे॒वैनमे॒तद्य॒ज्ञात्त्रि॒ज॒नय॑ति ता॒सामे॒का॒  
द॒शानां॒ त्रिः प्र॒थमा॒मन्वा॒ह त्रि॒रु॒त्तमा॒म् ॥ ४ ॥ ताः प॒ञ्चद॒श सा॒मि॒धे॒न्यः । द्वा॒वाधा॒  
रौ प॒ञ्च प्र॒याजा॒ इ॒डा त्रयो॑ऽनु॒याजाः॒ सू॒क्तवा॒कश्च॒ श॒म्योर्वा॒कश्च॒ तास्त्रयो॑द॒शाहु॒त॒  
योऽथ॒ यदे॒वाद् प॒त्नीसं॒याजेषु॒ सम्प्र॑गृह्णा॒ति स॒मि॒ष्टय॒जुश्च॒ ॥ ५ ॥ ताः प॒ञ्चद॒शाहु॒तयः॑  
। ता॒सां प॒ञ्चद॒शाना॒माहु॒तीना॒मि॒ता अ॒नुवा॒क्या ए॒ताः प॒ञ्चद॒श सा॒मि॒धे॒न्य ए॒तासा॒  
म॒नुवा॒क्याना॒मि॒ता या॒ज्या य॒ ए॒वात्र॒ म॒न्त्रो यो॒ नि॒गद॑स्त॒द्याज्या॒वप॑मे॒तेनो॒ ह्यास्ये॒ता  
आ॒हु॒तयो॑ऽनु॒वा॒क्यव॑त्यो भव॒त्येता॒भिः सा॒मि॒धेनी॒भिरे॒ताभि॒राहु॒तिभि॒रेता॒ अ॒नुवा॒  
क्या या॒ज्यव॑त्यश्चाहु॒तिव॑त्यश्च भव॒न्ति ॥ ६ ॥ ब्राह्मणम् ॥ १ [२. १.] ॥ ॥

गा॒य॒त्रीम॒नुवा॒क्याम॒न्वाह॑ । त्रि॒पदा॒ वै गा॒य॒त्री त्रय॒ इमे॒ लोका॒ इमा॒ने॒वैत॒  
ल्लोका॒न्दे॒वाः प्र॒त्य॒ष्ठाप॑यन् ॥ १ ॥ अ॒थ त्रि॒ष्टुभा॒ य॒ज्ञति॑ । च॒तु॒ष्पदा॒ वै त्रि॒ष्टुप्च॒तु॒  
ष्पादाः॒ प॒शव॑स्त॒त्पशू॒ने॒वैत॒देषु॒ लोके॒षु प्र॒ति॒ष्ठितेषु॒ दे॒वाः प्र॒त्य॒ष्ठाप॑यन् ॥ २ ॥ द्य-